

■ GLOSSA

Fifty Shades of Gray. Era tar nus.

DA SILVIO CAMENISCH

Sche tut fa actualmain sin sadomaso per auzar il plaschair na lain nus en la terra dals Retorumantschs betg star enavos, betg star enavos. Quests vegls barschuns duvrads e questas duvradas veglias streglias da vegls purs suverans vegnan gist dretg per noss diever a chasa. Duvrain nus ussa per noss Fifty Shades o Gray tar nus a chasa. Qua han il pur Eduard (per la part da la Surselva) ed il pur Testard (per la part da l'Engiadina) gì in bun nas da na betg bittar quests utensils vegls duvrads, isads giu vi da vadellas, mugias u vatgas u tgeninas.

Quests vegls barschuns duvrads, questas duvradas veglias streglias, hot-tas, giaischlas, chavesters, sellas, tge er adina, vegn puspè dretg, la moda veglia turna insacur en uigl u stalla e ti mo spetga era scolaviva uschè segir sco l'amen en baselgia e daventa pront actuala. Pertge na duessan nus en la terra dals Retorumantschs davos ils set culms e set binaris betg era vegnir sin il daletg da bondage u co quai ha num, betg idea, dominar e sutta-metter sco il rest dal mund? Manegiass jau er.

Per cletg n'avain nus betg bittà noss utensils da purarias tar il fier veder. Adina carti e sperà ch'in di



vegnian quests utensils vegls duvrads sco novs. Sto mo spetgar ed avair pazienza anc in pitschen mument, prest cumpara la dunna Aurora. Ed ha clientella che ti conuschas era, dals noss. Tant vier sco prer sco chalger. CEOs umens sco dunnas en posts da management e cumpetenzas che vulan (lumn. «vultan») quai ed er tschai: sco guli-vaziun dal dir mintgadi. Dominanza u submission cun tut quai che tutga tiers, betg idea, ma dastga far mal, almain quatter giadas ad onn las vigliadas da las festas. Na fai betg mal, na nizzegia nagut, di tgi ch'ha empruvà e sa.

La hype per Fifty Shades of Gray vegn gist dretg en secundas abitaziuns serradas en, betg duvradas, betg nizzegiadas, letgs fraids. Donn e putgà. Quellas lascha jau vi a la dunna Aurora, ina da las nossas. Bondage, sadomaso, tge che ti vul, mo ch'i dettia uss entradas e

schlantsch a l'economia. Ina nova chomma ferma en il turissem è dumandà, uss ch'il franc svizzer è vegnì uschè dir, uschè dir n'avain nus mai siemià. Ils signurs e las dunnas pon era pajar bain cun euro a madame A., quella prenda en tuttas valutas na refusa naginas.

Stuessan nus betg introducir in'emna da Fifty Shades o Gray obligatorica per tuts, betg maridads sco bain? Na stuess betg il chantun immediat procurar per megliers utensils, guaffens, meds d'instrucziun per praticas sco grammatikas al sadomaso en tuts idioms, impurtants, ser Domenic? Ins na vul betg vegnir arrogant, na vegn el er betg, mai, mai. Qua dastgass in vegnir. Qua fiss il mument da vegnir. Finalmain, ha cuzzà, grazia.

Stop, betg bittar davent voss vegls cuzers, lien las veglias cuts duvradas. Betg dar tutta questa iseglia veglia en voss museums locals regionals. Vegn duvrà puspè per tut auter diever. Na stuess betg insatgi benedir en l'emprim immobili-glias ed utensils: giaischlas, sellas, chavesters, staffas, sin bun rumantsch Steigbügel? Meglier betg dumandar, far? En tge via chat jau il Gray? Jau sun l'Anastasia sun qua a Tavanasa davos la staziun...